

山家語敘

自古山林與廊廟殊途希布縉
紳異語在朝言物在野言野在
山言山思戒出位語當隨亦甚
矣山林之為適也往昔洗耳投
澗之輩見及此哉余方有事遼



左寘身戈矛洪濤沙漠間於時
不知有身惡知有家又惡知有
山家之樂乃徵

聖威靈倭奴退舍得遂骸乞徬
徉湖山然廊廟憂民江湖憂君
每自恨不若山家叟白首不識

朝市之為完也攜李周山人逸
之和禪月大師休山中十咏及
雜咏題曰山家語頗具山中之
適抑亦目無前人至讀勸酒行
令人忘寵利心東倭壯虜經國
籌邊一切賈傅淚杞人憂盡消

融而後除之矣夫時有古今詩
多古今之人已視卑古視高遂
以晉魏唐人為絕德而卑之甘
蹈宋人物非特世運使然良亦
趣向之舛岐也山人謝玄名利
凌轢千古傲睨一世吐語成音
直欲衝隸休島追躡唐調余友
深有取於山人也覽是編者其
勿以空句求山人非惟知山人
且得山家之樂矣

萬曆乙未秋九月武林相江宗
應昌書於孤屿山房

山家語目錄

和貫休山居十詠

送陶君歸隱武林西山二十一韻

送陶君歸山詠二十四首

巖壑吟五十韻

勸酒吟

山居十二絕

贈徐孤雲二律

行住坐卧四律

山家語

目錄

山家語目錄終



山家語

嘉禾梅癩道人周履靖著

吳興鹿門茅坤批評

吳門羅陽劉鳳校正

和貫休山居十詠

五十方知處世難
何如拂袖隱青山
幽深茅屋翠微裏
掩映松杉碧靄間
枝上流鶯時恰恰
簷前瀑布日潺潺
憑誰浪說長安麗
我亦無心一躋攀

貫休原韻

休話誼譁事事難
山翁只合住深山
數聲清磬是非外
一箇閒人天地間
綠圃空階雲冉冉
異禽靈草水潺潺
無人爲向羣儒道
巖桂枝高更好攀

其二

卜築幽栖世事休
茅堂斜枕碧溪頭
徜徉撫掌林間嘯
落魄忘形物外遊
靜閱歸來元亮賦
興狂澄眺仲宣樓
閒身日與漁樵混
一任浮雲檻

畔流

原倡

誰是言休卽便休
高吟靜坐碧峰頭
三間茅屋無人到
十里松門獨自遊
明月清風宗炳社
夕陽秋色庾公樓
修心未到無心地
萬種千般逐水流

其三

松花滿樹菜盈畦
結箇茆廬碧澗西
性逸每期玄鶴共
情高欲與古人齊
採芝洞口芒鞋濕
踞

石磯頭野鳥啼三月絳桃燃曲徑漁郎錯認武陵溪

原韻

露滴紅蘭綠繞畦閒拖象屐到峰西但令心似蓮花潔何必身將槁木齊古塹細烟紅樹老半巖殘雪白猿啼雖然不是桃源洞春至桃花亦滿溪

其四

紉草爲衣不用紗潛身巖穴只飡霞與持綠醕

吟詩句閒泛清溪鼓釣槎逸叟每臨開草閣高僧見訪煮山花悠悠世外舒青眼睥睨人情似亂麻

原韻

嵐嫩風輕似碧紗雲樓金像滿烟霞葛苞玉粉生香瓏菌簇銀丁出靜槎舉世只知嗟逝水無人微解悟空花可憐擾擾塵埃裏雙髻如絲事似麻

其五

山家詩
三
曲曲溪山若武夷陰陰古木礪邊垂一椽室靜
苔封砌幾樹梅開雪滿枝門外烟迷芳草徑
前水長白蓮池脩然栖止塵寰遠疑似當年周
續之

原韻

心心不住希夷石室巉巖白髮垂惜竹不除
當路笋愛松留得礙人枝焚香開卷霞生砌捲
箔冥心月在池無限故人頭已白不知今日復
何之

其六

山深樹密晝冥冥萬箇琅玕入牖青江燕哺雛
簷畔語野猿携子澗邊經潛身世外逃名姓寄
跡巖阿適性靈却笑塵中名利者任渠長醉我
還醒

原韻

一菴瞑目在穹冥菌枕松牀蘚陣青乳鹿暗行
檉徑雪瀑泉微濺石樓經閒吟不覺過天井長
嘯還能動岳靈應恐無人知此意非凡非聖獨

醒醒

其七

茆屋悠然依絕巘
情閒嬾與世途通
披襟坐石聽湍瀨
倚樹吟詩納晚風
片片野雲停漢外
聲樵唱出林中
徜徉日翫山間勝
一任金烏西復東

原韻

五岳烟霞連不斷
三山洞穴去應通
石牕欹枕踈踈雨
水碓無人浩浩風
童子念經深竹裏
攔

猴捉蟲夕陽中
因嗟往事拋心力
六七年來楚水東

其八

懸崖隙竇自天成
松栢亭亭芝草馨
拖屐荷鋤尋筍蕨
穿林涉澗採芹苓
岸歌烏角歌山調
笑折奇花浸石瓶
閒看風波生白地
悠然靜養道心寧

原韻

翠竇烟巖盡不成
桂華瀑沫櫟芳馨
撥霞掃雪

山家詩
和雲母掘石移松得茯苓好鳥似花窺玉磬嫩
苔如水沒金瓶從他人笑從他笑地覆天翻也
只寧

其九

屋後青山光靄靄門臨流水日滔滔千竿脩竹
搖清珮幾樹喬松響怒濤扶杖閒遊溪徑曲掀
髯長嘯海雲高長安多少豪華客何似山林一
布袍

原韻

自古浮華能幾幾逝波終日去滔滔漢王廢苑
生秋草吳主荒宮入夜濤滿屋黃金機不息一
頭白髮氣猶高豈知物外金仙子甘露天香滴
毳袍

其十

陰陰碧樹礪邊排跡混蒿萊鹿豕諧默坐苔磯
垂淺釣戲調山鶴舞閒堦繁花卉冉冉迷芳塢輕
靄霏霏護斷崖高卧山中無一事此心應與世
情乖

原韻

自休自了自安排常願居山事偶諧僧採樹皮
臨遠壑狃爭山果落空堦閒擔茶器綠青嶂靜
納禪袍坐綠崖虛作新詩反招隱出來多與此
心乖

送友人歸隱武林西山二十一韻

吳門陶君耽圖畫吟哦遊京國歸卜居武
林西山爲成二十一韻更以五言律二十
四首貽之

我愛張仲蔚囊琴入山林潔志滌凡想高情遠
塵紛誅茅傍天竺室築西湖濱清風追秦系和
靖爲比鄰危峯形突岬絕巘翠嶙峋門徑叢綠
篠屋後堆白雲飛霞時縹緲嵐氣日氤氳曲澗
接飛瀑芳樹啼野禽柴關鶴自舞沙上鷗成羣
地僻車來少溪深雨不聞竹下吟杜甫晴窓書
右軍汲泉煮綠茗折松爐中焚欲希玄元理星
下禮老君蒲團學內養石鼎紫檀熏徜徉深谷
裏不知夏與春蕨芽聊可茹腥羶豈足珍奇石

成几席豐草爲綺茵對月開山酌百杯方半醺
吾生多塵鞅未得同尔倫何年婚嫁畢方傲昔
避秦逍遙巖穴下千載稱隱淪

送陶君歸山詠二十四首

西山遁尔跡堪羨傲烟霞秋翫一輪月春吟幾
樹花僧來烹野蕪樵至飯胡麻山水無窮興休
教對客誇

其二

卜築碧山灣臨溪建竹關形骸同木石蹤跡遠

塵寰靜看霞飛幻閒聽鳥語蠻愧我塵中客高
風何敢攀

其三

公家五柳宅今徙傍西湖釣水情偏愜鋤雲興
不孤狂吟詩百首暢飲酒三壺自是陶元亮還
同宋老逋

其四

爲賦歸來後塵緣日已踈東籬栽野菊北壑葺
茅廬側耳聽啼鳥臨池玩躍魚靜追已往跡萬

事總成虛

其五

堪羨陶徵君飄然隱白雲
畫寫董北苑書臨王右軍
枕琴聽夜雨抱膝坐斜曛
優游天地內舉世孰爲羣

其六

天竺峯之南依嶺結茅菴
洗耳追巢父焚香禮老聃
愧余成俗子羨爾是奇男
未遂栖霞志先論世外談

其七

卜居塵外室山水日盤桓
薜荔裁春服篔簹製野冠
樵松炊早膳煮石餉宵飧
雲出峯前岫徘徊倚杖看

其八

志曠耽丘壑情高契古人
青山爲故國黃鳥作嘉賓
麋鹿諧新伴松筠是舊鄰
靜觀塵內客若箇可同倫

其九

孤琴雙蠟屐携鶴共幽栖種木鋤西圃持竿釣
北溪醉吟塵世迴狂嘯野雲低不盡烟霞思還
堪送爾題

其十

君多山水興我亦愛逃名共看林間月同聽枝
上鶯坐對黃花酒行歌白雪聲萬物終歸盡因
知世祿輕

其十一

高懷伴幽鳥心事遠神京短劍匣中冷焦桐榻

上橫山雲栖有約菊枕夢無驚自賦歸來後脩
然了一生

其十二

心如秋水碧身共白雲悠興逐漁樵話閒隨鹿
豕遊峯前迴野鶴松杪掛山猴自愧居塵網何
年與爾儔

其十三

茅誅山下地室築竹間房画寫成摩詰書翻究
老莊松聲鳴甕牖月色照藜牀身入清涼境塵

情頃尔忘

其十四

一丘聊可憩三徑未全荒
嘯傲幽窓下棲遲絕巘
傍清風吹几席濁酒滿
壺觴遙看飛雲迅無心
出岫忙

其十五

吟成歸去兮挾卷入山
栖樹頭花灼灼門外草
萋萋清泉烹綠茗白酒
餉黃蘗味句追韋孟高
情似阮嵇

其十六

扶藜入翠微遙望萬山
暉謾着東山屐閑尋北
藪薇瀑泉雲外落林鳥
澗邊飛出谷逢樵父清
談滯客歸

其十七

君家欲避喧絕境廠幽
軒抱甕澆籬菊臨窓讀
楚魂門外鳴山雉溪邊
浴野猿渾疑蔣詡徑不
讓辟疆園

其十八

山家詩
乘閒經竹院帶雨種芝田溪上漱泉味月中枕
石眠惟多猿鶴伴喜寡俗情牽逍遙塵世外花
落始知年

其十九

碌碌愧周顓欣君隱興濃寥寥棲一壑默默撫
孤松綠樹山窓翳白雲石徑封何年滌塵慮結
屋伴幽踪

其二十

築室巢巖穴尋山採藥苗無窮松栢藹不盡野

雲飄身隨和靖鶴杖挂許由瓢浪迹烟霞裏從
他世路囂

其二十一

有客卧中林因之見道深秋宵吟月色春日醉
花陰甕內儲醺醪窓前撫玉琴靜中看白眼人
世幾浮沉

其二十二

君懷空四海放浪滿三江繪圖人難匹吟題世
不雙葛巾岸更逸梅笛弄何腔把酒追宵興傾

山家詩
壺對夜缸

其二十三

賦成歸去來三徑任蒿萊
白酒賓朋送黃花
籬落開無絃琴可弄
有興鶴常回
醉味天然句
醅醕卧月臺

其二十四

高遁意無求
閒身卧此丘
蛙鳴方識夏
葉落始知秋
興對樵人弈
時乘漁父舟
峯前跌茂草
嗤彼利名囚

巖壑吟五十韻

樹梅白苧鄉
結屋逼桃里
蒿草繞間籬
頽垣補綠枳
蓬門裊薜蘿
碧波映芳芷
溪靜少車蹤
村孤遠城市
軒後挺松杉
堂前羅桃李
翠竹長嫩枝
清流迴故址
幽花屋角榮
奇石臨牕峙
暄風搖古榦
微露浥新葢
斜日上松顛
好鳥鳴樹底
石堦封莓苔
空庭馥蘭蕙
枝頭吐紅葩
沼面浮赤鯉
紫燕遶湘簾
豐草眠麇麇
垂楊繫小舟
絕境辭駉駉
山鶴舞花陰
頽簷下馴雉
叢叢半畝

山家詩
疏鬱鬱幾株梓芳梅作比鄰野雲共棲止山家
事事幽林藪處處美迹遁渺逢迎兒童知姓氏
高棕契海虹閒身伴鹿豕闔戶究黃庭不受猿
馬使壁懸輞川圖亂披秦漢史青萍掛牀頭綠
綺橫淨几置身安樂窩心追太古始垂簾得養
和靜履無遺耻神遊五岳間身脫樊籠裏荷芰
紉輕裳誰羨衣羅綺朗月豁雙眸清風盈兩耳
午饗烹園葵晚膳煮薺苳次飽烟霞供饌惟
菊杞詩追杜甫魂書逼羲之髓猖狂發浩歌意

適幽懷喜興至調喻塵雲烟遍繭紙石鼎爨沉
檀月下翻秘旨研究得失機悟徹淵微理青錢
懸杖頭小艇鴛湖艤箬笠蔽殘陽銀鈎下澄水
看竹過鄰家敲詩古松倚蠟屐躡東山豈羨平
原履採芝踏雲歸門外蒼頭俟山僧訪荆扉下
榻迎倒屣槐陰納涼風對弈惟樵子白石煮戒
餐清泉堪漱齒晚步出柴門殘霞半空紫得興
醉梅邊山童扶不起紙帳懸竹牀菊枕伴蘆被
無爲卧虛齋猶勝登榮仕黑甜一枕餘優游滌

塵累溪山遁衰翁巖壑隱高士寂寂靜中觀世
事只如此踈懶了餘生縱酒忘酉已寄語皇甫
謚逸傳可續紀

勸酒吟

贈我百鎰金不如一斗酒金豈能延齡酒能開
笑口情與酒相諧是爲莫逆友花下倒玉壺酩
醺忘宇宙常思陶徵君門栽五株柳籬畔放黃
花對酒九月九斯人千載餘至今傳不朽惜哉
顏回齡共愛籤籛壽長壽與殤年同歸一土阜

微軀似浮萍春夏芳清瀟秋風江上飄委棄如
遺垢驅馳利祿途不如飲醇酒物化一何爲黃
金豈在手悠悠九泉下貪盃名還有日醉杜康
家盤餐周顛韭莫問是何人癡狂一老叟寄語
贈金人斯言是與不

山居十二絕

性懶情踈忘檢束潛蹤丘壑伴烟霞每同猿鶴
閒清晝時看飛泉逐落花

其二

或扶藤杖或浮舟適意溪邊釣碧流脩竹蕭蕭
茅舍靜幽栖隱几傲公侯

其三

獨愛長松蔭谷前生平惟欠買山錢何時結屋
依巖壑荷笠扶鋤種菜田

其四

一壺濁酒一張琴幾樹梅花間竹林興至偶臨
數行帖半窓殘日弄花陰

其五

終年抱渴掩荆扉靜卧蕭齋見客稀獨鶴孤雲
閒作伴年來心事與時違

其六

天邊倦鳥亦知歸何事寰中未悟機結箇松窩
臨澗曲山中早晚看雲飛

其七

靜掩柴關覺晝長閒翻道德爇爐香坐來時聽
禽聲巧煮茗分泉只自嘗

其八

何物能移百歲閒驅馳名利豈知還朝來試拂
青銅看忽爾蕭蕭兩鬢斑

其九

溪深屋靜絕塵氛寂寂松窓靄白雲獨抱孤琴
眠短榻從教世事杳無聞

其十

五十年來學餌苓攤書獨愛道家經溪邊偶晤
山中叟相共談玄憩草亭

其十一

松茅覆屋枕滄浪
麝衣薜蘿伴石牀
一片青山
圖畫裏萬竿脩竹似瀟湘

其十二

靜覽殘編卧草廬閒來樂志混樵漁誰能擊壤
歌清世半畝香秔半畝蔬

甲午春遊白岳邂逅徐孤雲黃冠野服潛居
松林石室幽然有方壺閬風之境以詩二
律贈之

幽蹤潛寄萬松林石徑崎嶇少客尋採藥芳春

穿險磴乘風長夏憩清陰碧雲一片閒封榻黃
鳥三聲巧和琴卧傍北牕看月上不知塵世幾
浮沉

其二

蕭然一室築松陵却恨塵蹤未易登深澗魚吹
青藻葉閑門樹繞紫蘿藤南山種菜歸明月北
寺携筇訪老僧休向聖明知住處恐今天使鶴
書徵

夜宿松林石室極談其山中行住坐卧之樂

以成四律亦或能遂其巖穴之勝耳

扶杖曳芒屨登岡陟澗阿清風吹短褐素手捫
長蘿野鳥啼山樹樵人伐斧柯徜徉忘去路月
色遠峯多

其二

思曠卜巖居松間構草廬徑幽多鳥跡林寂少
巾車紉服裁蘿薜開樽芼野蔬靜看雲去住自
喜俗情踈

其三

山家語
盤桓踞危石面山倚喬松片雲停遠漢孤鶴遶
高峯瀑布醒塵耳飛霞映水容殘陽下西麓野
寺遙踈鐘

其四

地僻塵囂隔心慵覺晝長樹頭來鳥韻窓外煮
茶香紙帳輝庭日藜牀設草堂悠然忘世慮高
枕似羲皇

山家語終

山家語跋

貫休唐之名僧世人但聞工繪精善未識
詩句淵深萬曆乙未新秋爽朗幽窓無聊
搜笥得觀全集讀至山居七言十詠深得
王孟之風雅有栖山之樂遂用賡之未能
探其玄奧一二推敲淨几友人見訪詢及
朴雅陶君歸隱武林西湖之濱索其送行
句遂成廿四律亦附其尾去歲閩中鄭翰
卿索製巖穴吟五十韻勸酒古風一首舊

作遊白岳雜詠廿餘首頗覺閒情放逸併
爲一帙名曰山家語嘉禾周履靖識



國家圖書館, NATIONAL CENTRAL LIBRARY, TAIWAN, R.O.C.